


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 56 || No. 5-7

May - July 2020



Editor: Rev. Khamchinkhai

Synod Kumpuon:

Thukhenna dih leh dihtatna khu tui bang in luong hen (Amos 5:24)

Khristian Tangkou

Vol. No. 56 || Issue No. 5-7 || May-July, 2020

A sung thu

Editorial Board

Editor : Rev. Khamchinkhai - 8730933744
 Joint Editor : Rev. Dr. Hangpi Maunlun - 9862910875
 Cir. Manager : Upa Jamsianmung - 9862086615
 Bus. Manager : Upa Kamgenpau - 8974612937

Ms. Niangkhanmang
 Miss Tracy Niangsuannuam

Cont. Editors : Upa Khupsuankham - 9856406454
 Rev. Awnkhankhup - 9862828921
 Rev. Thangboi Khuongsai - 8119957887
 Rev. Khamminlian - 8414998542
 Rev. P. Ginzalal - 8131814376

Upa Dr. M. Lachinkhai
 Upa Jamgenthang
 Upa M. Lianminthang

ZOU SYNOD ULIENTE

• Moderator:

Rev. Zamlianpau

• Moderator Elect:

Rev. Kapsuanthang

• Secretary (Sr):

Upa Kapkhanthang

• Secretary (Jr):

Upa M. Kamzadou

• Treasurer:

Upa M. Sianzahau

• Statistician:

Upa Shanti Kumar

• Executive Secretaries:

Rev. Khamchinkhai

Rev. Dr. Hangpi Maunlun

- Editorial..... 01
- Thu tuomtuom & Thumpi ding 02
- Kei Grep gui dihtah ka hi 03
- COVID-19 05
- COVID-19 leh Social Distancing ... 09
- Conovirus & Noah hun lai 14
- Hasatna hun a Pasian nasep 15
- Laitung Gamte Buoina17
- Khochin Sawmakhat sun dan 21
- ZPWF Column 22

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



PRESBYTERIAN HATTUOM THUGIN LEH KINGAHNATE

AWLE, tutung in, ahileh tukum piching Sunday Sekul ah zil lei zong vangsiet um tahin Covid-19, ziehin khopi sung a hattuomte khu March ha a kipat tuni dongin Sunday Sekul i kaithie sih ua da um mama hi. Ahin, eima ham ahiziehin i simthei zing ahi. Tuin, I hattuom thugin kingahnate uh tawmkimin i gending uhi Tuate ahileh:

i). Sola Gratia Et Sola Fide (Itna zieh leh ginna zieh bou ahi). A umzie ahileh Pasian leh mihing kisai khahna zousie hundamna ding, guoljawlna, sienthoua, loupina leh adangdangte, mihingte lawkhieh guol leh bawlkhieh zou ding hilou in, Pasian itna/lungsietna zieh a, silpieh leh Ama bawlsah ngen ahi hi. Tua itna/lungsietna khu ginna maimai a tanthei ahi.

ii). Sola Scripture (Pasian Lai siengthou chau/maimai). I thuginpi uh khatna in agen bangin, Thuhun Lui leh Thuhun Tha khu Pasian thudih tah ginna leh hindan tena dih umsun ahi chi'n agen/apom hi.

iii). Sola Christus (Khrist maimai). Tamin agen nuom ahileh Khrist thuneina tungnunna, lalna, abul-le-atawp, ahina asulang hi. Hattuom leh leitung hinkhuo a, Khrist lalna leh thuneina khu hattuom dangte sang in amuchien zaw hi chi lei ichi khiel sih ding uhi.

iv). Sola Deo Gloria (Minthanna leh pahtawina khu Pasian kung bou ah umta hen). Mihingte i umna zieh u'khu Pasian loupina ding in ahi. Silbangkim umna zieh zong ahileh tam ziehma sem ding in ahi. Pasian nnasep, chibai buh, Khristian hinkhuo dih-le-dihlou bangkim tena sangpen khu Pasian loupina aching ei? chite khu uhi.

Thü tuomtuom leh Thumpi dingte



THÜ TUOMTUOM LEH THUMPI DINGTE

- 1) I Mission Field uh Mangjing a Class-IV ta na kai Mr. Bobosana Khumanthem s/o Mr. Khumanthem Sharat Singh, Chairel in tu kum (2020) - Manipur Board a Class-X (HSLC)- exam ah Manipur pumpi ah 3rd rank/position in hing pang hi. Pasian in A gam nna i sepnate uh thawnlou in ang guolzawl tou zel hi. Tualeh, Mangzing Hatuomten zong vena leh kipahpina vanei uh chi thu kiza hi.
- 2) I Synod Year Planner/Calendar a i koi dungzui un apeisa dated, May, 4-9, sung in Half Yearly Audit bawl zou ahita hi.
- 3) Apeisa 23rd June 2020, 10:30am in Tunnu Limbel a i naupangte uh 'Crusade' kineipi a, Rev. Khamchinkhai, Sr. Executive Secretary-in honna va nei a, Tunnu Limbel Committee leh lamkaiten zong uop uhi. Tuanah, Evan. Lianding Guite thugentu (Speaker)- in pang a lawchingtahn kizou hi.
- 4) Khovel pumpin pul natna i dou ziehun Hattuomten ahiding bang tah in Pasian i bekhawm theitasih ua, tam natna in kiem lam ahing nawt a, Hattuomten i Pasian uh lungsim leh Hagau toh a bieh ding bangtah a i bieh theina ding un sil bangkim bawlthei i Pasian kung ah thum va ui. Tualeh tam natna zieh a i mi-le-sate uh gam dang a nasem a um leh siemsinten maban zom theitalou ahizieh un amaute a ding in zong thum chiet va ui.
- 5) Hun leh nite hing liem zel in siemsinna lam ah State Governement nuoi a Pawl sawm (Class-X) Exam result ahing suohta a, tan Result suoh a lawchinna ngate i kipahpi ua, tualeh vangsiet huoitah a lawsam umkhate zong lungke mai lou a, a kia chieng

a ding a kisingsa thei ding in thumpi va ui. Tuaban ah Pawl sawmleni (Clas XII) zong ahing suoh pai ding i kinem ua, i Hattuum milesate ahing lawchin ding uh deisahna toh thumpi chiet va ui.

.....

KEI GREPGUI DIHTAH KAH

(Eze. 15:2; Johan 15:12).

- *Upa. Khupsuankham*

1). Thumapui. Jesu'n Kei Grepgui dihtah kahi akichi sese na zieh khu Israelte hinkhuo ding ngaisut kawma agen ahi (Isai 5:1-7). Israelte khu grepgui toh gente ahi zing hi (Late 80). Khrist khu gepgui dihtah bang ahia, gingtute khu a ka-hiengte ihi uhi. Grepgui dihtah gentena in ang theisah nuompen leh ang hil utpen khu "gasuong aumna" ahia, gasuong a umna leh Khrist toh kizopmat tinten genna ahi.

Tualeh, "Gasuo" chi khu lampi thum a genthei ahia, tuate khu:

1) Itna, kipahna, lemna, thuohtheina, migitna, hoina, nunnemna, kidehtheina te ahi (Gal. 5:22). 2). Khut nasepna lam a gasuote. 3). Pasian thu igensa, miten Pasian tapa hundamna a apom theina uh, Tapidawte nasepna tuomtuomte thugen kizilsahna lama aga umte ahi. Etsahna lam a i et leh:

a) Israelte sakhuo lam thu ah Palestine gam a adinmun uh dihtah a ensah hi.b). Theipi kung in, Israel nam dinmun ang hil hi. c). Olive sing in

hagau lam a Israelte dinmun anghil kia hi. d). Zogam a Singkung in "Zentel nam" ang hil kia hi.

Tualeh, Jesun "Kei Grepgui dihtah kahi", akichina Johan 15:12-15 ah akichien zawsem in akigen hi. Guolneite ma zong Bible siemten tambang in a suut uhi.

1) Jeremiah = Pa (Jehovah) guolnei ahi. 2). Isai = Tapa (Jesu) guolnei ahi kia hi. 3). Ezekiel = Hagau siengthou guolnei chi'n ana gen hi.

Tapa (Jesu) guolnei Isai 5:1-7, sung ah Grep tungtang dihtah in Israelte thu leh

Mangpa toh kizopna thu kimtah in imu uhi. Isai in, ka lawmpa'n Grephuan abawl hi (Isai 5:1-5) achia, abawl dan:

- 1) Muoltung ah grephuon leihoina mun ah abawl hi. 2). Akimvel in leipal atou a dailing leh palkeh in a im kimkot hi (Palistine Thuhun). 3). Suonghum umte atawm sieng kilkel hi. 4). Grep chihoipen asuonta hi. 5). Alai ah tauta sangkhat adaw hi. 6). Grep suhna kawkhuh khat atou hi. 7). Grep, aga ding kal angahlel hi (Matt. 21:33f).

2) Ahivang in grep tahlou tah ang ga ta mawh hi. Ahilchetna:

- 1) Mualtung leihoi - Palestine gam ahi. 2). Palkeh in a im kawt - Palestine thuhun (Deut. 28). 3). Suonghumte atawm sieng hi - Milim bete suhsienghou ahi. 4). Grep chihoipen asuon - Israel namte.
- 5) Grep suhna khuh atou hi - Gethsani, Kross leh Kalvari. 6). Alai ah tauta sangkhat (tower) adaw hi - a vena, Galvilte umna, santrite dinna ahi.

Grep sing tah leihoi a asuon melmaten a guh a, asuhsiet thei louna dingin ahuon ngai dingin Levi chite, Siempute leh laigiel mite, nam lamkaite leh Sanhedrinte ahi ua, tulai hileh Pastorte, Upate, Sawltahte/Missionaryte, Sangsyete ahi ding ua, amauten pawlpi khenkhat peidan dihloute apat a apawlpi vengbittu in apang ding uhi.

3) Grephuon chingte nasep ding:

Ginna dihlou leh thugentu dihloute ahi. Grephuon a nitha (Master-roll) asemte kungah Grepga lou dingin asuohte asawl hi.

- 1) Jeremiah asawl a suongtum in ana seplum uhi. 2). Isai asawl kia a mulkim huoitah in ana soisa uhi. 3). Ezekiel asawlkia a mulkim huoitah in ana soisa uhi. 4). Atawp ah ana zatat pen ding chi'n atapa asawl leh alugu ana satsah ua, bawlfuh akisa mama uhi. 5). Asuoh dang Hosia, Joel, Amos, Obadia, Jona, Mika, Nahum, Habakuk, Zephania, Hagai leh Zakaria chite asawlkia a khumte kisan zong ana bawlse veve uhi.

Tualeh, Huon neipa khun grepga humtah lawkal ngahlel a kinemtah a, aumlai in Grep tahlou ahingga tamawh a, aga aneh leh athua a alungkham taseng a, “Ei mikhielten zong i it mama uh, ijiten ta leh nau ang hinsah ding ua, ikilam etlai un, imel ding sunlou in midang mel puom sun in Kolte, Meiteite, Pangalte, Mangkangte leh mel dangdang toh kisun hing nei taleh koipa mawngmawng e, akipah ding!” Chi’n guolnei Ezekiel in ang hilchien hi. Tamkhu Israelte ah sulsin len nangma ah kibil in amin maimai a gasuong akitam hi. Huon neipan ahum ding a asuon ahia, hinanleh aga pen athua a, ahut tamawh hi. Leitung ah Hattuum dihipen akingai unau Roman Catholic, Salvation Army, Seventh Day Adventist, UPC, EBCE, Thingzou pawl Vanmi pawl, Thutah pawl te ahi ua, aban ah zong hing piengkhe zel ding hi.

Huon neipan a grephuon a nitah (Master-roll) asemte a dintopsah a, ahun tah a

grepga hum tah pethei dingte asemsahta hi. Tuabangma in Pasian gam khu nakung ua kipat in alakhe dinga, agasuo namte kungah pieh ahi ding chin kang hil hi. Mathew 25:43 Jesu’n inn lam mite deilou pen, tami ngel khu aninga suong poimaw pen ana chi hi. Tuaziehin pienthana chipen khu grepgui dihtoh kizopte khu ahia, Grepsing khu bang sing e? chi et chet ding ahi.

Huon neipa lungkham ding dan na ngaisut ngai e? La phuohu in, “Aw ka hagau khum muol minthang ah sun leh zan in valeng in na Mangpa Kross a akilbeh ahing in namu ding hi. Mawnei nang adia, hing phamna mun khu”. Unau sanggam aw kingaisut in grep tahlou banga ihinkhuo, iginna leh inasepte ah kichien va ui. Jesu’n “Kei Grepgui dihtah kahi” achi banga chithei dingin igasuo ua, ithugen zakha tapou in tampi a “Ga” asuon theina ding un panla dingin iki chiel uhi. Mangpa’n simtute zousie guoljawlta hen.

COVID - 19

- Upa Khaichinmang
Tongdam P/Chruch.

1). Thumapui:

Covid - 19 ziehin khovel pumpi dipkuo in zauna ngen in adim a, milien, milal, genthei, taga te lungkham in mizousie mauna ngen in adimta hi. Tam natna khu Pasian silsiem ahia, mihing asiemsa ten Ama sang a sum leh pai ngaina in gamchin/gam hausa mun ah sum leh pai isui ua, Pasian lungthahna mihingte tung ah tu in, tu in i mun, i muol zuon in ikitawl vazung uhi. I Mangpa Jesu ahing peina ding anai chienging, gam khat leh gam khat, nam khat leh nam khat Kiel, Pul hing tung van, mun tuomtuom ah zil liing van, Haichi nehse ding, Khauphe agam agam ah lenglut van in, achi bang in (Math. 24:6-8; Exo. 11:13). Thamlou in Mangpa alung akim leh tam natna zauhuoi mama khu mitphet kallou in asubei thei hi. Pasian in Van apat in amite a ensuh a, ama lungdamna dia nasem mi 50, 40, 30, 20, 10 aum ei achia, hinanleh amu zoulou hitah leh (Gen. 18: 2-32) t am natna Covid-19 nangzieh in supung/suhngiem/suhbei in aum diei....? adiehin Hattuum Upa, LCC, Pastorte, Sangsiete, Evangelist Teacher te kingaituo kin khu apawi maw vawt ahi. Tam Covid-19 toh kisai in muonna leh bitna nasui lai in thakhat in natung ah shina tung thei ahiman in tam anuoi a bang in ihoulim ding uhi (Lk. 16:22).

2). SUM NGAINAT:

Sum deiseng khu mimaw ahi. Pasian thu ngaituo manlou khop a sum sui mi khu Pasian muong zouloute ahi uhi. Sum i ngainat ziehun, khawpi/Foreign ah sum sui in ium ua, Biehna ngaisah manlou zen in ipang vevaw ua, Mangpa'n na mun, namuol ah ahing peisah le..... bang nagen ding la.....! Gingloute lah ah i um ua, i tate Sunday School kailou in ahing khanglien a, angaituona uh sum ahia, eima i shi zou chienging

i tate'n Pasian thu leh Laa sang in sum ma abuoipi ua, mailam pen ahinkhuo ding uh kinep huoi lou chi ding ahi mai hi (Math. 27:3-5).

3). HASATNA/BUOINA:

Covid-19 zieh a neh leh tah ahing hasat leh Upate, Siempite, Semtute, i mi isate bang achi di uai! chi'n nasatah in ibuoipi ua, I Belam etkolte/kepte neh leh tah atamsam kha ding uai? Hagau lamah piengtha lou a um kha ding uoi chi in nasahtahin

ibuoi pi vevaw uhi. Jesu Khrist hundampa in pom manlou in shi kha leh chi'n, Upate'n a hattuum ah Pastorte'n a Bielsung ah Ann leh Tui zong dawn manlou, neh manlou, neh leh Tah bang achi uoi chi'n buoi tahpi in i buoi pi uhi. Bang zieh a i buoi pi uh e ! Jesu Hundampa a i pom tahzieh ahi (John 10:11).

4). HATTUOM UPATE NASEP:

Ei Hattuum Upate Village a hing ki ordain na mun sang in khopi a um i tamzaw ua, eite khopi a maw um mai hilou in, Committee chieng a TE atawm theina ding ban ah khopi ah hundam hilou mi atam zieh a tuana sem a um ihi lam Belamte'n athei siem sih uhi. Belamten kou hing kem ding umlou chi'n aphun chieh den ua, eite nasep ding khu Pastorte'n innsuon atos chieng ua, anua uh zui a panpitu hing khu inasep ding uh hin ka theidan ahi.

Tualeh Upate khu Hattuum sum leh pai apeina ding a dihtah a peisah ding, khawsung a damloute, thumsah ding, genthei liengvai Meithaite panpitu ding leh mite Pasian sumpi sawm-a-khat dihtah a piehsah a, Belamte, Hausatna Mangpa piehsan ding chi inasep pipen ding in ka thei hi. Tuabang nahoi isep chiengin

tam natna zauhuoi ban ah tam sang a zauhuoi zaw hing tung nanleh Mangpa'n ama leh a Belamte ahundam mama ding hi (I Timothi 4:8-14).

5). PASTORTE NASEP DING:

Belamte ngaidan in Pastorte khu a quarter/Biel a bang chi dan a a innkuon ua um ngam uh adiei? atate uh School kaina ajite uh neh leh tah suina buoi lou ding adiei maw...! Ahin kei ahatlou pen ngaidan in, "Pastorte khu thugin pomdet tinten ahi zieh uh". Bangkim bawlthei pa Pasian Lei leh Van siempa ka gingta hi chia pomdet leh tukip tinten ahizieh uh ahi ban ah Jesu Khrist apat itna pumlum anei zieh un, innsuon tuon suoh in, a Biel sung ua, damloute thumpi in shina tuohkha aum chieng in, neitu hihna la in, ka gim ka tol chilou in, a innkuon un Mangpa na asem vevaw uhi. Semtu khat in Rs. 20,000 hakhat in alaw a, kumkhat in Rs. 2,40,000 kum 30 tan sem leh Rs. 72,00,000/- a pension tan in alaw a, Hagau mangthai khat khu 1,72,00,000 sang a mantamzaw ahi man in alaw pen atawm mama ahi. Azieh pen abiel sung a Belamte kim diimdiem a Mangpa kung a tut ding ahiman in Pastorte mipiten zatatna i pieh chiet ding uh ahi. Tuabang a Mangpa na asepi zieh

un, atate singtang lah a laisim hinanleh sepna (post) lienpipi tu ua, abiel sung a umte zong tam natna jauhuoi khu Joseph Abrahamte aumpi bang in Pastor pa Mangpan a umpi hi chi'n mite i lungmuong mama uhi. Zek. 11:16-17; Ezek 34:1-10.

Evangelist/Evan Teacher nasep: Synod imuh masang un Hattuum naupang ihing hi a, tun Synod ihing muh leh ihing piching ta a, Evangelist-te zong Kulpit Sermon hilou in, inn chin tuon in, Pasian thu atangkoupi ta ding uhi. Tualeh Evant. Teacher te zong School aki kaitheilou uh leh innchin ah Pasian thugen ban ah, Naupangte lai hil in, asun azan chi umlou in gin um tah in asem vevaw ding uhi. Pasian na gin um tah a asepi zieh un, Govt. te bang in mi aguoi son ding ahi sih ahi Amos 5:14; I Tim. 4:10;

II Tim. 2:3.

Tun'n Mangpa naa ginum tah a isep chiet ziehun tam natna jauhuoi lah ah Mangpan ahing hundam mama ding a, isep ding bang tah a iseplou leh i shi sieng maithei uhi. Tua leh tam kagel lai in ka hina Upa, Hattuum donlou hileng mite'n sim ut malah in alungthah ding ua, ka hina Pastor, Bielsung a innkuon a umlou, innsuon tuonlou Hagau mangthai man malah in, kei leh kei zong....? Daniel 3:21-25 sung a ki hundamte khu Mangpa lungdamna mi ahia, eite zong Mangpa a lungdam leh Covid - 19 natna apat hundam in i um thamtham ding uhi. Simtute zousie Mangpa lungdamna hi ding in Mangna sem ding na bawn un, Pasian in guol hingjawl in, vang hing buohta hen. Amen.

SAWMAKHAT SUN DAN TOH KISAI A NGETNA

Pasian mapuina toh sum-le-pai saina Computer kizang ahitah ziehin Sawmakhat sungten Mimal List leh a ga wmkhawm kituohsah ding leh min gel dan hing kibangsah ding in i kingen ua, tualeh Computer a khumlut chieng in min kibang lut theilou ahiziehin form khat sungah mimal min kibang nivei hing tuongsahlou ding in i kingen uhi.

**COVID-19 LEH SOCIAL DISTANCING:
TULAI BUOINA ANTI-CHRIST AHIEI ANTI-COVID-19?**

- Khai Minthang Samte. USA

1). THUPATNA:

Leitung mihingte kipilsahna leh kibawltthei sahnate Pasian masang ah bangma ahilou dan tami COVID-19 in tahlang isa uhi. “Gamte, silbawl theinate leh thupinate kumtawn in nang a ahizieh in, Amen” (For Thine is the kingdom, and the power, and the glory, for ever. Amen) chi khu kigenkhiel hetlou hi. Natsie leh puul natna chite ideipen hisih lezong ahun-hun in ang tung veve hi. Tambang natsie/ puul natna pen Lai Siengthou sung ah zong kimu a, leitung tangthu ah zong kimu hi. Ipu-ipate ngaina apat i-et chieng un eite lah ah zong ana um tham chi pen haiguollou ahi hi. Tambang natna tu-le-tu a ibuoipi uh ahizieh in Lai Siengthou leh Zo ngaina tawh themkhat kikum vai in, kikepdan tu a i kikep sawmdan tawh a kituohnai chi sui va ui.

**2). CORONAVIRUS
TANGTHU TOMKIM:**

Coronavirus natna neite in khosih, khu leh nahhu tom (fever, cough and shortness of breath) nei ua, ahamna saden, lung-am leh nephu leh maitang dup chite ahi hi [Centers for Disease Control and Prevention: Coronavirus Disease 2019 (COVID-19), 2020]. Tambang natna kipatna Guangdong, China ah 2003 in ana kipanta hi. Tuami natna khu severe acute respiratory syndrome coronavirus (SARS-CoV) na kichi in, leitung gam 29 ah na kizel in, mihing 8,422 in natna navei in, mihing 916 na shilaw uhi. Tuajou in 2009 in

pH1N1 influenza kichi Mexico apat kipan in leitung gam 214 ah na kizel in, mihing 500,000 taang in na shilaw uhi. 2012 kum in Middle East respiratory syndrome coronavirus (MERS-CoV) kichi khat Saudi Arabia apat in ana kipankia a, leitung gam 27 ah kizel in mihing 2,494 in natna navei in, mihing 858 na shilaw kia hi (Park, Thwaites, & Openshaw, 2020). Tutung a natna pen COVID-19 kichi a, tuni March 21, 2020 tan in leitung gam 185 a kizel in, mihing 267,013 in natna vei in, mihing 11,201 shilawta hi (World Health Organization: Coronavirus disease (COVID-19) Pandemic, 2020).

3). LAI SIENGTHOU LEH SOCIAL DISTENCING:

Lai Siengthou i-et chieng un natna kilawsawn thei leh social distancing ana bawl zing uh khu phah-natna (Leprosy) ahi hi. Pasion in Moses kung ah tambang natna bangchi kep diing chi hoitah in ana gen hi. Leviticus 13na isim chieng in tambang natna umzie leh kep diingdan kichientah in ana gen hi. A natna neite mitawh a kilawsawn louna diing in atuom a a um diing (Self-quarantine/ isolation) leh mipite umna camp ahiei khopi pulang a koi diing (social distancing) chi ana genkha hi (Stangl, Earnshaw, Logie, et al., 2019). Tuabang natna neite akep-akhoi didan hoitah in kigiel dimdem hi. Siempudan 13:46 sung ah, “Khum natna (phah natna) anei sung teng in ama khu sienglou ahia, tuachi in midangte lah apat kikhiinmang in pembuh pulam ah ateng diing hi” chi hi. Tuama bang in abawl tahpi uhi chi Leengte Nina 7:3-20 i-et chieng in kimuthei hi.

4). ZO TAWNDAN LEH SOCIAL DISTANCING:

Zo tawndan (ngaina) mama ah zong puul natna ahiei natna hiipi gilou a um chieng in Siemputen tuitaw-tuilu ahiei gam nathoi in, tuami natna neite innsung ah kulkhum in ainmai uah

sawlbawh khai in, “zie-tang” uhi. Tami sawlbawh innmai a kikhai in innsung ah mite natna hoilou nei ahi ua a ensah a, sungtum-pusuoh kikham hi. Tam pen natna hii apat kilawsawn venna diing a kituomkoi leh zapi tawh kisukha lou diing a bawl na ahi hi (isolation and social distancing). Tuami natna nei nu/pa/innkuonte Siempupa in enkai in, adamsieng masangteng uh pusuoh sahlou uhi. Tuathamlou in, natna zauhuoi hiileng a um chieng in khomuol ah sawl kikhai in zin-le-leeng koima pusuoh-sungtum omlou hi. Tam pen tulaitah a self-quarantine, self-isolation, social distancing ichite ahi hi. Siempute in khohun leh natna omdan en in, natna a zauhuoi nawnlou chieng in siensuo in khopite leh khovengte tawh kikawmtuona umthei kia pan hi. Tuabang a ana bawl zieh un puul natna zieh in na shigam samlou uhi.

5). HOULIMNA: Lai Siengthou sung ah puul natna ahiei phah natna pen Israel-te Pasion masang a atawnkhiel chieng ua Pasion gawtna (sapsietna) in ngaisut ua, Pasion masang a kisiakia a Ama maipha suikia diing a hatna (wake up call) in ngaisut uhi. Tami pen Hagau lam ah koi talei, tahsa natna ahizieh in bangchi kiven diing chi pen ngaisutlou phamaw

hi. Phah natna bang a mitmu thei diing a kilang lou ahizieh in koiteng in COVID-19 natna paai chi pen kigen theilou hi. A natna kilahna khu ni 14 sang a tamzaw zong hithei nalai ahizieh in koiteng tuami natna paai a zapi lah a um chi kitheilou ahizieh in eima ihiei, igei a um nu/pa/te zong hithei gige china himawh hi.

Anatna khu anatna vei mite apat a kilawsawn (communicable or contagious) ahizeih in a kilawsawwna tawpsah theidan um leh chi in kumpi vaihawmte leh chidamna lam a semten gen uhi. A kilawsawn hatdan khu patauhoi mama hi. Etsahna diing in, Georgia state, USA ah official tah in March 2, 2020 COVID-19 natna nei mihing 2 um a, ni sawm (10 days) jou in COVID-19 natna nei mihing 33 um a, ni 19 jou (March 21, 2020 – tami lai ka gel tan) in COVID-19 natna nei mihing 555 umta hi (Smith, Yourish, Almukhtar, Collins, Harmon, McCann, & Wu, 2020, March 21). Akhan hatdan i-et chieng in patauhoi mama hi.

6). KUMPITE THU MANG DIING: Kumpiten mipi kikhopna bawllou tadi phot diing in thuphuon bawl uhi. Kumpi ichi chieng in eima Hattuum a member-te zong china hithei hi.

Tampen koima biehma khahsahna hilou in mipi kikhopna apat in tami natna khanghat mama chi mukhiet ahizieh a, tami natna kiem theina diing in panlah ahi hi. Tami in Hattuumte maimai tuomkawhna a kibawl hilou a, mizapi kikhopna khat phot ahuom ahi hi. Tami article gel ahitan in mi 10 sang a tamzaw umkhawm theilou diing chi kumpiten thuphuon bawlta ua, bawllou diing honkhat zong kigenta hi (Lemire & Colvin, 2020). Tambang hun chieng a Christian-te a diing a ibawl theipen uh kumpite chidan zuilou a mizapi kikhopna a pei teitei a COVID-19 natna khangsahntu leh kumpi neisah tawpsah hilou zaw a kumpite beidotna panpitu hi diing kisamzaw hi. Lai Siengthou in kumpi vaihawmte thumang diing in ang hilzaw hi (1 Peter 2:11-17).

7). SOCIAL DISTANCING LEH LAI SIENGTHOU:

Lai Siengthou sung i-et chieng in Social distancing kichi pen puul natna neite tung ah na kibawl a, ih Zo ngaina ah zong na kibawl hi. Thutha hi hetlou in, ibawl khah ngai nawnlou ahizieh a thutha bang ahi hi. Pasian in zong Mosi tungtawn in Egypt-te tung a gawtna apieh diing chieng in social distancing na bawl a,

self-quarantine or isolation na peipi in kimuthei hi (Exodus 7:14-12:36). Tualou ah phah natna neite zong khopi pulang ah (Social distancing) na kikoi hi (Lev. 13:1ff. Cf. 2 Kings 7:3-20).

8). ANTI-CHRIST HILOU, ANTI-COVID-19 HIZAW:

Kumpi vaihawmte vaihawmna khu Christ-doudaltu hilou in COVID-19 doudalna diing a panlahna ahi hi. Tamteng zosie deina pen Christian-te bawlsietna (Anti-Christ/ian) hilou in, a Christian hi in, a Christian loute hitaleh COVID-19 natna tua aveisate ban ah koiman vei sih leh china tawh kibawl ahi hi. Tuazieh in Anti-Christ/ian hilou in Anti-COVID-19 ahizaw hi. Thamlou in nasep poimaw (essential jobs) a semte lousie mipite innsung a kikulkhum phot diing in kumpi in thuphuon bawlta hi. Tami hun sung a nasep kuon theiloute, nasep khawlsah, sumbuh kikhahte leh buoina Dangdang tuohte a diing in kumpi in zangna-dopna (Compensation or stimulus checks) in mimal huna kibawl diing chi khensatna lata uhi (Toone, 2020). Kumpi thumanglouten kumpi panpina zong lahda uleh hoi phiel diing hi. Anti-Christ/ian hileh zangna-dopna (stimulus checks) Christian-te kipelou diing hi.

9). TAANG DIING I, MIT DIING?

Tambang hun chieng a nang leh kei natna zieh in kumpi sum tampi beilaw a, doctor leh nurse tampi gimlaw a, ih innkuon leh Hattuumte lungkham law a, aphantmaw leh shina in ih innsung ah vaihawm nalai diing ngaisut huoi mama hi. Thumanglou a paupeng sang in tam atung a ih genteng ban ah tampi um nalaite noptuom tuntu hi diing kisamzaw hi. Mite a diing a paupeng hilou a thupha ihi diing kisamzaw hi (Gen. 12:2). Tami hun pen Anti-Christ/ian hilou zaw in Christian-te pichindan etsahhun ahizaw hi. I Cross-te uh biehinnsung maimai ah laampi lou in khopam lam zuon vai. Mipite chimaw genthei laitah in doctor, nurse, kumpi vaihawmte thapetu a pan hun, gilkielte leh inn-le-lou neiloute ann pieh hun ahi hi. Nasep poimaw semte (essential job) thungetna a panpitu hivai.

10). BEIHINN HILOU, BIEHDAN DIHTAH (TRUE WORSHIPPERS):

Jesu Krist leh Samari numeinu kihouna ah Jesu Krist in Pasian biehdan dihtah agen hi. Jesu'n, "Hinanleh ahun tung diing ahita, tun zong atung ahita a, tuahun chieng in abe tahtahte'n Pa khu Hagau leh thutah in abe diing

uh, aziehpén Pa in tuabang mi Ama be diing in asui hi” achi hi (John 4:23). Pasion beihna ah Pasion lungdamna khu biehnin sung a va umzieh hilou in Hagau leh thutah a biehnna khu ahizaw hi. Pasion mun zosie a um ahileh eima pindan sung ah zong Hagau thute kigen in, Hagau laate kisa thei a, Pasion phatna leh biehnna (praise and worship) kibawl thei thamtham hi. Biehnin sung pen ministry bawlina phuolpi hilou in gingtute hatkhawmna, guolzawlina leh hahkhietna (Gather, bless and send out) mun ahizaw hi.

11). THUZAWNA: Tambang natna hiipi khu leitung pienchil apat a ana umzel ahia, Lai Siengthou ban ah Zo ngaina ah zong kimu hi. A lamdang seng hilou in, Pasion theipina tawh ana tung zel, tulaitah a tung, leh ang tung zel diing ahizaw hi. Kumpi vaihawmte thugen khu Anti-Christian hilou in Anti-COVID-19 ahizieh in a chi dandan uh zui diing ahi hi. Biehnin kai theilou diing chi hilou zaw in mizapi kikhawm theilou diing, mi 10 sang a tamzaw munkhat phot ah umkhawm theilou diing chi hizaw hi. Tualemah in, tami hun sung in Pasion kung a nasetah a kikou a, tami puul hiipi ang lahkhiat sahna diing a nget ban

ah, tami tawh kisai a hospital leh aphamaw nasepna (essential jobs) semte a diing a thu ngetsah diing ahizaw hi

LAIBU ETTE

Centers for Disease Control and Prevention. (2020, March 21). Coronavirus Disease 2019 (COVID-19). Retrieved from <https://www.cdc.gov/coronavirus/2019-ncov/symptoms-testing/symptoms.html>

Grzybowski, A., & Nita, M. (2016). Leprosy in the Bible. *Clinics in Dermatology*, Volume 34, Issue 1, January–February 2016, Pages 3-7. doi: <https://doi.org/10.1016/j.clindermatol.2015.10.003>

Grzybowski, A., & Virmond, M. (2016). Leprosy: Between biblical descriptions to advances in immunology and diagnostic techniques. *Clinics in Dermatology*, Volume 34, Issue 1, January–February 2016, Pages 1-2. doi: <https://doi.org/10.1016/j.clindermatol.2015.10.008>

Lemire, J. & Colvin, J. (2020, March 19). Trump signs coronavirus aid package, invokes Defense Production Act to fight COVID-19. Retrieved from <https://abc30.com/health/trump-signs-coronavirus-aid-package-with-paid-sick-leave/6024211/>

Park, M., Thwaites, R.S. and Openshaw, P.J.M. (2020). COVID 19: Lessons from SARS and MERS. *Eur. J. Immunol.*, 50: 308-311. doi: [10.1002/eji.202070035](https://doi.org/10.1002/eji.202070035)

Smith, M., Yourish, K., Almukhtar, S., Collins, K., Harmon, A., McCann, A., and Wu, J. (2020, March 21). Coronavirus in the U.S.: Latest Map and Case Count. *The New York Times*. Retrieved from https://www.nytimes.com/interactive/2020/us/coronavirus-us-case-s.1?fbclid=IwAR0MS7WuP9JoH4V_1HPeViJw_nVGkDIFFxbMifR8meeLYaXNJ0suik0vPRUc

Stangl, A.L., Earnshaw, V.A., Logie, C.H. et al. (2019). The Health Stigma and Discrimination Framework: a global, crosscutting framework to inform research, intervention development, and policy on health-related stigmas. *BMC Med* 17, 31. <https://doi.org/10.1186/s12916-019-1271-3>

Toone, S. (2020, March 21). Trump says stimulus checks will be ‘much more’ than \$1,000. Retrieved from <https://www.ajc.com/news/breaking-trump-says-stimulus-checks-will-much-more-than-000/ye9TlqiowJXyQbyTiuP5IO/>

World Health Organization: Coronavirus disease (COVID-19) Pandemic. (2020, March 21). Retrieved from <https://www.who.int/emergencies/diseases/novel-coronavirus-2019>

KHOVEL ZELSUO CORONA VIRUS LEH NOAH HUNLAI

- Rev. Stephen Khupsianlal
Pastor, ZPC Shillong

“Tualeh Pasion in leitung a mihingte gitlouna nasatah ahi chi leh alunggel uh gitlouna ngen ahi chi, amu hi. Tuachi’n leitunga mihing ana siem zieh in Mangpa a kisia a alunggim pi ta hi...Hinanleh Noah in Mangpa mitmu in hepina anga hi.” (SIEMCHILBU 6: 5,6&8).

Amasa pe’n in Hattuum mite i Mangpa Jesu Khrist min in chibai kahing bawl masa hi. Vannuoi in ibuoipi mama uleh ilunggimpi uh, michin sinlai phawng Corona-Virus (Covid-19) hing pien dan leh tuhun a mihingte hinkhuo, sang tamtah te tunga shina tuntu ahidan ithei chiet uhi. Tam natna pen aveitu khat in akung nai a um te alawsawn dan ban ah athamkhah nih leh puon leh sil tuom-tuom te tungtawn azong kilawsawn ahizieh in mizousie hinna dengdelsah mama natna huoise mama leh gimnei tah ahi hi.

Galpi (World War) umhun lai in akidou gamsung a teeng mite bou in adieh in zauthawngna lianpi anei ua, ahin tam Corona-Virus pen in gam bangza ahiei mai hitalou in khovel pumpi zelsuo natna ahizieh in michin lunglai ah zauthawngna lianpi tun hi. Tuazieh in India Sorkar injong nasatah in doudalna nasep

pan in, state chin leh district chin ah curfew/lockdown te’n nisim in vai hawm ta a, mipi kipawlkhawmna teng leh biehnna kipawlkhawmna tanpha ah ngong lianpi tun ta hi.

Tam natna Covid-19 hing kithang veng-vong tung lai in Mangpa Hagau in sil tampi ahing theisah a, Bible a Noah hunlai tanchin khu phuonzah ding in hing theisah masa hi. Noah tanchin hoitah a isim chieng un Pasion in mihingte gitlou nasat zieh leh ngaituona gilou ngen anei zieh ua, kisia ahidan leh asuh mang thai dan ithei chiet uhi. Nanleh tuabang kawmkal ah Noah leh a innkuonte hundam in ana um uhi. Tuakhu Mangpa mitmu ah hepina ana nga zieh uh ahi.

Tulai khovel umdan, mihingte lunggel-ngaituona leh hinkho Mandan ingaituo in Noah hunlai mihingte toh akikhietna umlou chilei ichi khiel sih ding

uhi. Mihingte'n asiemtu Pasion mitmei veng lou leh mahni deidan, utdan-dan a hinkhuo izah upen Mangpa lungthahna leh Mangpa gawtna hankhie ana suoh ta hi. Noah hunlai in Mangpa'n vannuoi pumpi tuisanglet (Flood) zang in amisiemte ana gawt chimit hi. Hinanleh Noah leh a innsung mite zousie hundam in ana um thei uhi.

Tuhun ah mihingte gitlou nasat seng zieh in Mangpa'n tuisanglet zang zaw lou in, Corona Virus zang in lei mihingte gawtna hing bawl kia ta hi.

Ahitah leh tam natna bei na ding leh suotat theina ding umsun bang ata diei unau? Alampi

umsun khu Mangpa lungdamna mimal, Mangpa lungdamna innkuon, Mangpa lungdamna gintu-Khristian ihi uh kiphamaw hi. Vannuoi mihingte'n kisia in Mangpa kunga ngaidam ngen chiet ulei, Hepina a kidim Mangpa apat Hepina eite'n jong inga sam ding uhi. Vannuoi in tuhun tan ah pangkhawm a Pasion kunga ngaidam nget ding lampang a houlim pan thei nai lou abang hi, nanleh nangleh ke'n vang kisia in imimal bawlkhielte uleh Mangpa mitmu a isepkhiel-itohkhiel zousie tungah ngaidamna nasatah in ngen chiet va ui avaigei masang in.

Simtute Mangpa'n hingguol zawl chietta hen.

HASATNA MUN/HUN A PASIAN NNASEPNA

- (L) *Rev. V. Vungzalian*

Tami article khu Kum 1987- lai a unau kithei siemlou a i kibuoil lai ua, ang na muolliem san (L) Rev. Vungzalian in hasatna leh shi leh man tuohtheina mun leh hun a umlai ana gel ahi. Tuin zong Covid-19 leh buoina tuomtuom tuohte ading a hantawhna leh ettawn ding a hoi ding a, i ngaitua ziehin tutung in inua suo kia uhi.

I Laisiengthou uh, Rom 8:35, 37-ah. "Tua hita leh, Khrist lungsietna toh eite hingken ding bang e um? Gentheina in hasatna ahisih leh bawlsietna ahiei, kiel leh tah, tahsapna ahiei zauhuoina, ahisihleh shina i ? (T.E.V) V-37. "Khenvotsih sai, khumte zousie ah ei itpa zal in loupitah a agualzoute ahi uhi" (K.J.V).

Awle, Khrist lungsietna in June ha vel apat in igamsung ah Setan silbawl in hamsatna, shi leh man inn leh lou beina leh shi zauhuoina mun ah i um zing ua; i unau tamtahte'n tuohsietna leh shina tuoh nanleh uh atamzawten dam a um in maban sunzom theidia i um nalai ziehin Pasion min phat in umta hen. Mi tamtahten shina leh manna atuohlai ua, bangdia kei zong shikhalou ka hiei? Mangpa'n kei pentah dam a a hing koi ban ah hing mangnuom adiei chi ngaituo kawm in i hinkhuo uh zat sawm va ui.

Tulai i dinmun uah zauna leh lungkhamna ah i um ua; hinanleh Pasion i kihumbitna leh i Mangpa ahi chia bel leh muon in i neituom diehlou uh a bang hi. Tulai i dinmun u'leh a umdan atung a i Bible tangtel toh kikal ade aw chi'n ang ngaituosah hi. Mi tamtah in igam buoina ziehin i Pasion gam nnasepnate tawpthei mai ding bangin igingta ua, tampen mihing ngaituona in gintat thei ahia, hinanleh tampen setan siltup leh ngiim, adeidan ahi chi theizing va ui.

I Bible tangtel hoitah a zui a, tua i dinmun a ana ding ngai i unau Mizo Synod te enva ui. Kum 1966-kum in Aizawl khopi Solkal

in ahal ua, singtang gamteng grouping bawl in khuo tamzaw ahalvam sah uhi. Tua kum in anntang selkhat (kg)- I man khu Rs. 15/- ahi a, tuazong lei ding umlou nalai, chiin buoilaitah a Pastor 2 (ni) khat Aizawl a umleh khatpen singtang a umten anghil uhi. Tuanah a mauten agenziel na uah sawm-a-khat leh Missionary target te kitung zoulou in a umkha de aw chia mi tamtah in angatuo lai un, hattuumte, Khrist toh hasatnate, kiel leh tahte gentheinate, bawlsietnate, tahsapnate, shinaten akhenthei sih a, Khrist zal in guoljawlna loupitah tangin, kumdang teng sang in Pasion gam nnasepna silpieh ah ka hatzaw uh achi uhi. Gawtuoi leh Hakai Ann in kane ua, Kg. 1 ah Rs. 3/- in akilei a, nupa kop a gawtuoi khe a, Hakai touten, alien lamlam sawm-a-khat apieh uh leh Kg.. 5 bang apathe i a, tuapen Rs. 15/- bang apathe i achi uhi.

Eigam a Local Upa khat in a Biehinn uh bawlina dingin LCC member teng in Rs. 30/- chiet kithawvai achi uh leh ken sum neising, seki zong neising achi a, Kiginni a a bawngtal Rs. 1500/- a akhoh in, Pasianni a a Biehinn a kaikal ua gutaten asum teng (bangman teng)- anaguhpieh/sah ua, na asa mama,

a Hattuum te kung ah lungsiettah in jangna dopna in Rs. 500/- beh hing panpi un chin a ngen hi. Tuatahin, nupi khat in “Pasian ni-a Biehinn bawl na ding Rs. 30/- chiet tuohvai i chileh seki zong neising nachia, na bawng man Sawm-a-khat lah Biehinn ah nangtawi sih a, Pasian adia neilou, gutate adia nei nabouveh” achileh ahaam ngam nawnsih hi.

Unau i hamsatnate leh i nopsahnatnen Khrist itna toh hing khenkhava, kingaituo phava

ui!! Tunia inei ilamte Pasian leh agam adia i pieh ngamloute mei in akahtum mai ding hikhava, ahilou leh Pasian leh eima ma in zong ideiloupen mi shina ding thauvui thautang leinadia i utlou sasa a ipieh hing ngai khava!! Pasian in khat maimai, aneisun a Tapa angpie a, eiten zong ineisun sum leh i neisate uapat in Pasian ate leh agam a ding in peva ui, I hamsatnatnen Mizo te bangin Khrist itna toh eikhensih hen. Guolzoutu hiva ui. Amen!!!.

LEITUNG GAMTE BUOINA

(India leh Pakistan, North Korea leh South Korea, USA leh China).

- Rev. Lamsuanthang

I theisa mabang un may 5 leh 9 lah vel in India leh China sepaite kal ah buaina um in thau chu zang sam lou un khuttum, sinngtong, sia toh kisat ki hau na a piang a mi 100 vel in liamna tuah chi ahi. India leh China ki gam gitna Laddak suolam lam Pangong Tso leh Galwan guom lah a tam kihauna piang ahi. Tam siltung khu India media te tungton a India army thupuong tu gen dan in tam sil tung khu sil ngainep mai mai ding hi lou in igam muana, bitna te suse thei ahi chin a gen uh ahi.

Tam siltun masang kaalni two weeks vel peita in China sepaiten Galwan guam lah ah puan inn zakhat vel a lam ua tua leh leinuai kibuhna bunkers siam som in vanzah gih tah tah a polut uh chia thei masah ahi. Tami gamgi a Gam ni commander te meeting

na ah zong India lamten China silbawl khu nasa tah in ana soisel ta uh chi ahi. Tam Laddak suolam ah tam veipi China lamten buaina a siam ngai ta uhi .Sepai leh sepai kal ah zong buaina tam veipi ana pieng ngaita ahi. India media te gen dan in India leh China sepaite

ki hauna mun Pangong Tso leh Galwan ah India sepaiten nezou zaw/jouzaw chin a tah lang uhi.

Tam Laddak suolam a ki beihna in May 5 Sanggam melma ichi lai vel a China sepai leh India sepaite kal a sil tung ahia a sap/ lamkai te un lemna asiam khit jou nua tan un zong ki buaina khat leh khat kal ah a piang lai chi ahi. Tuachin tam buaina tun jou a zingni in Sekkim Mallam gamgi lah ah zong May 9th. In India leh China kal ah buaina tung sunzom tou ngal in Sepai 10 vel in liamna a tuah uh ahi. Tam buaina ah china thupuangtu in India sepaite khu China lam a valut masa dan a agen pen uh India External Affairs Ministry thuphuang tu Anurag Sivastrava in China thugen khu thujuau ahi dan China Army ten a khengdap ui uh toh India gam hing tuan masa ahi dan uh a gen ahi. India leh China gamgi buai gige na khu 3488km a sau ahia, China gam khu lian tah ahia ahin agam uh liantah ahi lai in hunta e chi ding neilou uh ama chi ding khop in a um ua Arunachal Pradesh te bang agam bang mai ua hing ki thuneisah in ningkum 2019 in BJP sawlkar in Jammu&Kashmir UT a ahing koite zong china in nasa tah in ana za nuam sih ahi. Aziah chu Jammu & Kashmir

huam sung a Laddak gam khi khat khu China in a gam a angai ziah ahi. China khu India toh a kal buaina lou zong buaina tuam tuam gamgi tung tang ah a nei den hi.

15 June 2020 jaanlai in China sepaite India gam lam Laddak suolam lam Pangong Tso leh Galwan guom lah a ah lut in (India mediate gendan) agam bang bang ua bawl in khosa ua tuchin tambang gamtatna India sepaiten thua zoulou in buaina tha pieng kia hi. Tam khu a tung a a buai masat sang un nasa tah in a huaise zaw ahi. Tutung a buaina uah zong thou/gun vang a zang kia sam sih uh ahi. Suangtum, singtum, siatong chite toh mai kha kha ki mai tua ki sat tua uh himai dan ahi. Thei ding khat tam bang gamkhat leh gam khat kal a buaina ah thau/gun a gin leh tua khu kidoupi na dah ging bang a ngai a um a kidoupi kipan mai ding ahi zieh in thou kap ngam sam umlou uh ana hi ding hi. Tam thagum hat a ki sualna ah India lam ah Colonel B Santosh Babu leh Sepai mi 20 vel in shina tuah chi ahi. Tam mishit e khu India in gam leh nam itna a marter a puong in Sepai patawina bukim toh vui ding chi ahi. Tam ki buaina ah a liam zong tam mama a a liam te lah a huaise diah shi

leh hin kal a um mi 5 pha hi. China lam zong tampi liam a shi dan in ki gen hi. Tam siltung khu General khen khat leh Sepai sap khen khat in koi mai mai lou ding ahi dan twitter leh Media te ah a gen uhi. Tam siltung toh kisai in Prime Minister , Home Minister, Defense Minister leh Sepai lam a thunei ten siltung toh kisai gen khawm na nei ua tam article gel ahi tan in a thuphasah te uh thei hi nailou hi.

One country two system chi pansan in Taiwan, Hongkong leh Macau te ana awp khum den ua China mainland apat a aleitang mawng mawng zong ki zomlou tam Hongkong, Macau leh Taiwan ten ama leh ama uh keng a din khiet a dei mama ua kiteelna election te nei a sawm zel ua ahin China in kham khawl zel in dan tuam tuam siam in a gam bang bang a bawl in a awp khum uhi.

SOUTH CHINA SEA

Tua leh China simlam tuipi South China sea khu Leitung summet ki bawl tuana ding a lampi poimaw tah mai ahia tam mun khu tuinuai vel ah natural resources leitang hausatna tamtah umna mun ahi. Tam mun khu China, Taiwan, Philippines, Brunei gamte kim lah deu a hia ama uh ten zong ama

uh gam bang bang a hunsotpi ana bawl uh ahi ta hi. Ahin China in pan hing la tou tou in a innveng te leh leitung in koima gam hilou a free water navigation dan a ana gel uh khu thulah lou in ama ua dan a bawl in ama uh gam a bawl in silbang kim a siam ta uh ahi. Ahin gamdang ten tua tuipi khu Khovel tuipi kitang/kikop/ neikhawm ahi neitu umlou ahi chia a gen vang un ngaisah louin . 2013 in tua lah a island neu neu umte hing pua ua agam ua civil mite a teng sah ua tauchin a sawlkar thupuang tu in tam island puatha te ah a ut tut China mi leh sa te a teng thei a tua leh holiday, weekend, Honeymoon leh trip nei a peite Sawlkar in sum leh Pai ki thuopi ding chite in ama uh gam bang bang in thupuan te ang neita uh ahi. Tuami hing pei tou zel in tu nai ah buaina hing sou sang sim mama in Tunai mama in China in tam International tuipi lah sawm leh a kinaipi gamte tunga agam tatdan deilou in USA in Aircraft Carrier 3 tam south china sea ah a sawl lut uhi tuate khu USS Theodore Roosevelt, USS Ronald Reagan leh USS Nimitz te ahi. Tam USS Theodore Roosevelt khu long/ship lian tah mai ahia a gihdan ton 104700 a gih ahia, asan lam khu 1192 a sang ahia tam tuipi long khu Tuipi apat a

in leitung pha lou a kum 25 gal dou leh zong galvan, neh leh tah, thautui leh a tuam tuam te beilou ding a thuom famkim ahi. Tua leh USS Ronald Reagan zong khu tam bang ma a thuam ahia a gih dan khu ton 101400 leh a din san lam 10092 ahia Galdou vanleng 92 puo ahi. Japan te bang china dou ding in leh gal nei ding in agam milehsa ten eh leh tah leh a tuam tuam a ki galging ding in thu thei sah hi. Tulai gamte ki ngiem tuadan World War III phil pieng thei ding tulai misaim ten a sut ua, Hitler loi bang a gam lah sawm leh gamtat sawm a China in leitung gam teng buai sah ding a tam Corona Virus hing siem a hing thei thang masa ahi chi bang tam mama hi.

SOUTH KOREA LEH NORTH KOREA:

Tam bang buaina kawmkal ah North Korea in South Korea khu ana suh mangthang sawm kia hi. North Korea in ningkum lai vel in USA toh kilemna ana nei ua ahin China toh USA ang buai sim phet in North Korea in tam a ki lemna uh khu bot sie in USA in Presidential election November a anei ding uh khu muong tah leh bittah a anei nuam uh leh mi gamdang tungtang ah ki tah la sih uh hen chin thuso bawl in USA vauna

bawl uhi. America in China kap ding hita leh South Korea khu ama ua ding a lampi hoitah hing suah ding ahi zieh in tua masang a South Korea suh mang thang sawm uh ahi ding hi chi mitam tah ngai dan ahi. North Korea leh South Korea gamgi 36 Parallel kichi ah no man land kichi agam tuah un koima security leh civil teng theilou na ding mun a nei ua tuamun lah a munsat ding in a sepaite uh sawlut sawm uh chi ahi. Tam gamgi lah a North Korea leh South Korea ten kimai nagl zaw sem a asep khawm thei na ding ua Office Innkhat nei ua tuami zong North Korea in bomb in kapsia hi. Tuamun khu Covit 19 zieh a koiman luo lou ahi zieh in mishi vang um lou hi. Tam gam 2 te kal ah zong Bouruak pen sang mama hi.

Tambang kal ah gingtu te I lungsim uh tah deu deu a koima shi thei ding a zong ki gingta nawn lou in Jesu hing kum ding leitung bei ding chite leh shi leng hei teng tung ding chi koima ngaisut hi nawn lou, Tam leitung siltung te en Gal kidou, Natna te tungton in shi leng vangam ka kai diai chi ki ngaisun in kai diing a iki gintat lou leh Upa, Pastor te zuan dinig in kigen in iki chiel ahi.

KUM KIMKHAT SUNG A SAWMAKHAT MU DAN

1-Nov-2019 to 30-Apr-2020

Central District Total	30,72,633
Aina	65,610
Awnchinkap Khuo	3,10,273
Central Church	15,92,806
Manniang Khuo	66,040
Nungshai	1,000
P Hatching Sion	9,970
Sabuo	38,094
Tuilaphai	49,797
Zomi Colony	9,39,043
Lentang District Total	18,07,661
LDCC Hiangzou	1,00,415
T Daijang	1,26,185
Tuibuong	15,40,291
Zoumunnuom	40,770
Lamka District Total	37,42,813
D Phailian	2,02,460
Hiangdung	3,194
Immanuel Khopi	50,710
Kanan Veng	3,20,437
Lailam Veng	22,79,636
M Muoltam	68,030
Thingkangphai	2,43,565
Tongdam	4,32,185
V Bethel	32,855
Zomi Bethel	98,641
Zoumun	11,100
Imphal District Total	4,56,359
Imphal	4,56,359

Tuining District Total	5,51,155
PN Khovong	47545
Tuining	4,27,590
Zomi Zion	76,020
Suolam District Total	2,87,270
P Salem	15,000
Sugnu	2,64,470
T Zion	7,800
Gunpang District Total	3,48,165
Khuoinuoi	10,310
L Gangpimuol	66,689
M Khawluol	7,810
N Khaukuol	37,795
Saiboh	56,490
Talnuom	1,650
Teisaijang	60,511
T Munnuom	1,06,910
Singngat Total	5,77,204
Hiangtam K	32,790
Maukot	36,674
Munpi	2,190
Muoljin	1,200
Muvanlai	4,022
P Suohzahau	10,500
Singngat	2,94,392
Suongkuong	14,000
S Vengnuom	81,280
Tangpijol	94,856
Tuimanjang	5,300

Zoutang District Total	5,50,036
Belpuon	18,500
Buhsau	23,579
Hiangmuol	8,610
M Buongmun	1,23,074
Muollum	3,40,683
T Khajang Tithe	35,590
Tuivai District Total	2,11,498
Behiangjang Tithe	1,36,843
Behiangtung Tithe	2,000
Hiangtam B Tithe	34,320
Hiangtamjang Tithe	16,865
Lunjang Tithe	17,270
Tonjang Tithe	4,200

Outside State & Others Total	15,71,829
Bangaluru Tithe	3,44,430
Chennai Tithe	1,54,915
Delhi Tithe	7,04,517
Mangjing Tithe	26,660
Paspati Tithe	3,520
Shillong Tithe	3,37,787
Grant Total	1,31,76,623

Tam Half Yearly Audit tan a Khochin Sawmakhat sun dan i suokhietna uah mihing hina dawl ah suhkhie! khah a umleh kitheisiem in Office lam ah eima khuo a kan ding leh hing sudih dingin i kingen uhi.

- Executive Secretary
i/c Finance

ZPWF Column:

March 21, 2020 apat June 16, 2020 sung a Tunnu Limbel panpina pete:

- | | | |
|---|-----|-----|
| 1. PWF Muollum, Rs. 120 & Anntang | Kg. | 70 |
| 2. PWF Lailam Veng, Anntang | Kg. | 124 |
| 3. PWF Thingkangphai, Rs. 30 & Anntang | Kg. | 47 |
| 4. PWF PN Khovong, Anntang | Kg. | 8 |
| 5. PWF Saiboh, Anntang | Kg. | 65 |
| 6. PWF Tuining, Anntang | Kg. | 50 |
| 7. PWF Bohlui, Anntang | Kg. | 35 |
| 8. PWF Sangaikawt, Anntang | Kg. | 45 |
| 9. PWF Central Church, Rs. 1,020 & Anntang | Kg. | 122 |
| 10. PYF Teisalang (Anngawl Thumkhawmna-nehtaang) Anntang | Kg. | 14 |
| 11. PWF Emmanuel Khopi, Anntang | Kg. | 40 |
| 12. M. Khamsuanhang Zou, Ngulzen Veng (Birthday Present), Anntang | Kg. | 50 |
| 13. Chiinnu (Marvin Nu), Hmarveng Anntang | Kg. | 50 |

14. UZO (Zomi) General Hqtr: Allu Bag 1, Anntang Kg. 50
15. Zomi Colony Village Authority : Chi Kg. 1, Dal Kg. 1 leh Anntang Kg. 50
16. Zoumunnuam Village Authority: Rs. 1,000 & Anntang Kg. 50
17. Zomi Colony Hausate: PMGKAY Anntang-Naupang khat ah Kg. 5 chiet.
18. PWF Talnuam Rs. 1,000
19. Upa P. Doukholun, Tuibuong Rs. 400
20. Upa Goumang, Central Church Rs. 1,000
21. David Khamminthang, Zomi Colony Rs. 1,000
22. Rev. Mangmuanthang, Tuining Rs. 700
23. Tv. Khupmalsawm, (2nd Assam Regiment, Arunachal), Tangpijol Rs. 7,000
24. Pi Niangpi w/o Hausuanthang, Singngat MDC, Rs. 3,000
25. Velzalun, T.Daijang Rs. 500
26. Nu Mannianching, Lailam Veng Rs. 1,000
27. Liankholal @ L.L Haokip, Geljang Village : Allu Bag 1 & Rs. 500
28. P. Nianghoiching & Family, V. Munhoi-In Loving Memory of (L) P. Paukhangin: Woofer set khat leh Mirror (Limlang)
29. Pi Mannuamching, DC Pherzawl : Bread-1, Biscuit-5packets leh Sweet
30. Green Basket, Simveng : Allu Bag 1 leh Bal
31. Pi (L) Thangneivah, Lailam Veng Rs. 4,000
32. Pi Nuamzangai, Zouzang Rs. 12,000
33. Mrs. Flora Hatnu, UK Rs. 20,000
34. Mary Ninghoinuam, Hiangtamjang Rs. 1,000
35. Nh. Hatneiniang, d/o Upa Khaizakap, T.Daijang Rs. 5,000
36. Pa H. Kapneithang, Central Church Rs. 3,760
37. Chingnou, Zomi Colony Rs. 3,000
38. Tv. Khupmalsawm, (2nd Assam Regiment, Arunachal), Tangpijol Rs. 7,000
39. Pi Niangpi w/o Hausuanthang, Singngat MDC Rs. 3,000
40. Upa Pauneikhai, Sabual Rs. 1,000
41. Nu Mannianching, Lailam Veng Rs. 1,000
42. Upa Ginsuankhai, Tuining Rs. 450

43. Upa H.T Manga, Tuining	Rs.	250
44. Pauliankhup, Tuining	Rs.	200
45. Noukhanching, T.Zion	Rs.	1,100
46. Nu Chingngainiang, Zomi Colony	Rs.	500
47. Chiinnuamkim, Central Church	Rs.	500
48. PWF Awnchinkap Khuo, Anntang Kg. 35 &	Rs.	990
49. PWF Zomi Colony, Anntang Kg. 96 &	Rs.	160
50. PWF P.Salem	Rs.	1,250
51. PWF Chennai, Anntang taang	Rs.	2,000
52. PWF Shillong, Anntang taang	Rs.	3,000
53. PWF Shillong, Panpina	Rs.	4,800
54. PWF Bangaluru, Anntang	Kg.	50
55. Nu Chiindeiniang w/o Upa Jamsianmung, Zomi Colony, Anntang	Kg.	35
56. PWF Tongdam, Anntang	Kg.	32
57. PWF T. Daijang, Anntang	Kg.	54
58. Presbyterian Church Tuibuang, ZPCS, Anntang Kg.		50
59. PWF T. Munnuam Anntang	Kg.	30
60. PWF Manniang Khuo, Anntang	Kg.	32
61. PWF Behiangjang, Anntang	Kg.	70
62. PWF Chingmang Khuo, Anntang	Kg.	30
63. PWF Khuoinuoi, Anntang	Kg.	50
64. PWF Tuibuang, Rs. 230 & Anntang	Kg.	127
65. Pa Lamremmang h/o Muankim, Zoveng, Slipper		Pair
3		
66. Rev. Mangmuanthang, Tuining: Home a naupangte ding Mask	Ps.	50
67. Luanngaiman, Kamdou Veng apat : Naupangte nehding Phai (Sugarcane)		
68. MSF, Phalam Road, Churachandpur (Medicins Sans Frontiers) Hand Washing Basin 1		

Adihlou khate Office a suhdih theizing ahi.

Petu zousie Mangpa'n ale tampi in hing guolzawl taken!

.....

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzatun	23. Rev. Awnkhankhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhotawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhoichin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuanuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munlao	134. Pu Sianzakhai	135. Upa Thangginsuan	136. Pu Kapminlun

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Upa Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu (L) Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun
19. Pu Kapminlian		

Undelivered

Please return to:

The Editor

KHRIŦIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
